

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 10.05.2018թ. թիվ 1808029083 որոշումն անփոփոխ, իսկ վարչական բողոքն առանց բավարարման թողնելու մասին

<<04>> 06 2018թ. 14-13-59041-18/17-13-1395

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյան», վերանայելով Վահե Միրզոյանի դիմումի քննարկման արդյունքում ստեղծված նյութերը՝

Պ Ա Ր Ձ Ե Ց Ի

Երևան քաղաքի Արցախի փողոցի 6 Բ շենքի 44-րդ շենքի բնակիչ Վահե Միրզոյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 10.05.2018թ. թիվ 1808029083 որոշման վերաբերյալ նշելով, որ իրավախախտումը թույլ է տվել, քանի որ ճանապարհը գտնվել է փակված վիճակում ցուցարարների կողմից:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին նշված որոշումն օրինական է և հիմնավոր հետևյալ պատճառաբանությամբ.

«Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անտարբերությունների ու պայմանների ցանկը սահմանելու մասին>> թիվ 955-Ն որոշման 7-րդ կետի 3-րդ ենթակետի համաձայն՝ **դեղին ազդանշանն արգելում է երթևեկությունը** (բացառությամբ կանոնների 19-րդ կետով նախատեսված դեպքի) **և նախազգուշացնում ազդանշանի առաջիկա փոփոխման մասին**, իսկ նույն որոշման 7-րդ կետի 5-րդ ենթակետի, **լուսացույցի կարմիր ազդանշանն արգելում է երթևեկությունը:**

Ճանապարհային ոստիկանության 10.05.2018թ. թիվ 1808029083 որոշման հիմքում դրված տեսանյութի լրացուցիչ ուսումնասիրությունից պարզվել է, որ դիմումատուին պատկանող տրանսպորտային միջոցը 29.04.2018թ-ին ժամը՝ 13:11-ին Երևան քաղաքի Գայի - Նանսեն - Թոթովենց փողոցների խաչմերուկի հատված է մուտք գործում և այն ազատում լուսացույցի արգելող ազդանշանի ներքո:

Ինչ վերաբերվում է դիմումատուի պնդմանը՝ ապրիլի 13 - 25 ընկած ժամանակահատվածում փոքր խախտումների չարձանագրման հանգնարարականի վերաբերյալ, ապա ոստիկանության պաշտոնական կայքում առկա հայտարարության համաձայն՝ «Ոստիկանության պետը Ճանապարհային ոստիկանությանը հանձնարարել է կարճել 2018 թվականի ապրիլի 13-ից 25-ն ընկած ժամանակահատվածում երթևեկության անվտանգության ապահովման մասին օրենսդրության խախտումների հիմքով հարուցված վարչական վարույթները: Խոսքը վերաբերում է միայն այն իրավախախտումներին, որոնք հայտնաբերվել են տեսանկարահանող սարքերով և կատարվել են հավաքների ընթացքում ճանապարհների երթևեկությունը դիտավորությամբ խոչընդոտելու կամ ճանապարհները փակելու հետևանքով: Վարչական վարույթները կարճվելու են Վարչական իրավախախտումների վերաբերյալ << օրենսգրքի 17-րդ և 27-րդ հոդվածներով նախատեսված իրավակարգավորումների հիմքով:

Այսպիսով՝ ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, որի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 10.05.2018թ. թիվ 1808029083 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վահե Միրզոյանին:

Կատարող՝ Հ.Սաֆարյան



Ե. Կարապետյան